

與奉議向武都康等州作亂朝命都督楊文師征之十月世賢率衆納款乃給印授世襲割上懷州地益之世賢無嗣傳弟世忠世忠傳子武威武威傳子崇彬崇彬傳子文榮文榮傳子萬寧未襲死以其子元珪襲元珪無嗣傳弟元瓚元瓚亦無嗣傳弟元瑤元瑤生三子長彥澄次彥麒季彥麟元瑤先已立彥澄旣而廢之立彥麒彥澄忿怨據管懷峒元瑤以兵攻之爲彥澄所敗彥澄遂入州治事元瑤以恚死彥麒愬於督府坐彥澄以幽父致死刑彥麒亦以爭襲啟釁下獄死而以彥麟襲彥麟有軍功及死傳子邦興邦興亦有軍功無嗣傳